



IACOBI RAE
VARDI BRVGEN-

SIS I.C. DE PRÆIV.
DICIIS LIBRI
DVO.



AVREA



HVBERTAS

SACCVLLI.

910

BRVGIS FLANDRORVM,
EXCVDEBAT HVBERTVS GOLTZIVS,
M. D. LXV.

+11

3

BRVGIS FLAND.
EX OFFICINA HVBERTI GOL
TZII. ANNO CIO. IO. LXIV.
POSTR. CAL. DECEMB.

JACOBI RA
ARDI BRUGEN
PHILIPPI Hispaniarum Regis Catholici
priuata lege sanctum est, ne quis typogra-
phus imprimere, neu quis Bibliopola di-
uendere hos Iacobi R̄euardi Brugenſis I. C.
De Praejudicijs libros duos, audeat ante se-
xennium, absque Huberti Goltzij con-
ſensu. Qui fecus faxit, multa illi esto con-
fificationis librorum & in singulos libros
duorum Carolinorum. Dat. Bruxellæ v.
Idus Septemb. Anno à Christo nat⁹

M. D. LXXXIIII.

Mesdach.

CLARISSIMO DO-
CTISSIMO QVE IOANNI CA-
SIMBROTO BECQ VERSBLIT
DOMINO IAC. RÆVARD. S. D.

didi ab hinc amplius quinque-
nio, vir ornatissime libellos du-
os de præjudicijs, quos ea po-
tissimum de caufa nomini tuo inscribe-
bam, tibiique dicabam, quod de Britan-
nica legatione, qua tunc singulari quo-
dam nostræ reipublicæ tuæque patriæ
bono diuinis illustrissimi Sabaudie ducis
auspicijs omnium cum admiratione per-
functus eras, redeunti tibi occasio effet
plurimum gratulandi. Eosdem libellos
de amicorum confilio mendis, quibus li-
brariorum incuria scatebant, innumeris
repurgauit, nouis aliquot ac necessarijs
acceſſionibus locupletauit, & exprimi
tandem formis elegantioribus diligenter
curaui. Et quamuis illi vel ab ipsa
ſtatiſtorigine, dedicatione tui facti ſint,
tibiique ſic mancipio traditi, vt a te fine
tuo facto poſſint nulla lege abalienari,

A 2 quomi-

EPISTOLA

4
 quominus tamen quod tuū est tibi nunc
 rursus quasi non tuum offeratur, nihil
 esse quidquam in caussā puto. Licet enim
 opusculum istud tuum sit, vt pote iam an-
 te quinquennium a me de manu tibi in
 manum traditum, in eo tamen etiam-
 num aliqua, quæ tua necdum mancipa-
 tione facta sunt, agnosces. Et ea quidem
 quo tua fiant, en se nunc offert nouus
 quidam veteri illo longè præstantior
 gratulationis titulus, per quem tibi eti-
 am inuito ac reluctanti summus a sum-
 mo principe honos est habitus. Quum
 enim te suis priuatis omnibus, publi-
 cisque flandriæ negotijs & interesse &
 consilio præesse illustrissimus comes Eg-
 mundanus voluerit, an quæso existimas
 mihi titulum, tibi fructum gratulationis
 aliquem deesse ad hos libellos cum suis
 accessionibus hac iterata editione hono-
 ri tuo consecrandos? Ut igitur feci antè,
 sic & nunc facio, tibi que cùm pro rerum
 quas olim gessisti commendatione, tum
 pro opportunitate temporis quo te sum-
 ma laus & gratia principis est prosecuta,

maiores

DEDICAT.

maiorem in modum gratulor, atque hos
 libellos meque adeò totum & sanguinis
 mutui & amicitiae veteris certissimos te-
 stes tibi commendo atque deuo-
 ueo. Vale. Brugis Flandro-
 rum kalend. April.

M.D. LXXV.

A 3 Summa

Suumma rerum primo libro tracta-
tarum Capita.

Prae*judicium tam ad futurum quam ad præteritū tem-*
pus commodè referri. Cap. j.

Prae*judicium ad præteritū tempus relatum quam dis-*
uisiōnem ex Fabio recipiat, & ad futurum in quis-
bus consistat. Cap. ij.

Prae*judicij siue iudicij ad caussam qualis sit distinc*tio*,*
*& qua ratione in nomen pra*judicij iudicium ad**
caussam transferit. Cap. iij.

Quenam sit antiqua iudicij per prætorem ratio decer-
nendi. Cap. iiiij.

Cognita caussa in litis verba ius composuisse preto-
rem. Cap. v.

Composito iure controuersiam ad iudicem transferri, &
quid a cognitione iudicis prætoria differat cogni-
tio. Cap. vij.

Exceptiones nonnunquam vel in præscriptionem vel in
præ*judicium transmutari.* Cap. vij.

De vera præ*scribendi ratione, quid sit præscriptione res-*
moueri vel submoueri in nostris Pand. Cap. viij.

Quando in præscriptionem dicatur exceptio trans-
uisse. Cap. ix.

In quibus iudicis præ*scriptioni locus sit, & qua ras-*
tione, Cap. x.

Exceptio in præ*judicium quomodo transeat.* Cap. xi.

Prae*judiciales actiones unde nomē acceperint.* Cap. xiiij.

Incertum esse præ*judiciorum numerum, & loci aliquot*
*de præ*judicij obscurores vero sensu declarati.** Cap. xiiij.

*Quid sit præ*judicium.** Cap. xiiij.

An con*tra*

An condemnationem vel pronuntiationem continet
præ*judicium.* Cap. XV.

Capita Libri Secundi.

Prae*judicium alterutro desiderante quomodo reddas-*
tur. Cap. j.

An sine cognitione caussæ reddi posse præ*judicium.* &
de cognitione caussæ quedam non vulgaria. Cap. ij.

Quis in præ*judicio actoris partibus fungi debeat.* Cap. iij.

Qua ratione nulla interueniente caussa præ*judicium*
reddatur. Cap. iiij.

Toti cum parte in controuersiam concurrenti qua raz-
tione præ*judicetur.* Cap. v.

Si principale cum accessorio in controuersiam concurs-
rat, cui præ*judicandum sit.* Cap. vij.

Quare per minorem caussam maiori cognitioni non
præ*judicetur, vera ratio tradita que ab interpre-*
tibus animaduersa non est. Cap. vij.

Extra formulas exceptionū, quid sit præ*judicium facie-*
re, præ*judicium fieri, præ*judicare, præ*judicium**
incurrere, & id genus alia. Cap. viij.*

Prae*judicium personale in quo differat a reali, seu quas-*
si reali. Cap. ix.

In Oppianicum quomodo præ*judicium fiat.* Cap. x.

De præ*judicio in C. Verrem apud Ciceronem act. V. in*
C. Verrem. Cap. xi.

Quomodo a judiciali differat præ*judicialis condemna-*
tio. Cap. xij.

IACOBI RÆVARDI

I. C. DE PRÆIVDICIIS

LIBER PRIMVS.

*Præiudicium tam ad futurum quam ad preteritum
tempus commodè referri.*

C A P. I.

RISCIS Romæ temporibus in litis
verba prætore ius solemniter com-
ponente , frequens præiudiciorum
erat usus, ifque non tam varius, non tam obf-
rus, vt certis quibusdam regulis tradi vel conti-
neri nequeat, quem qui recte exposuisse sunt
opinati minimè intelligebant . Nos autem vt
quid hac de re possimus iudicare paucis aperia-
mus ; considerationem præiudiciorum dupli-
cem ante omnia constituemus. Vno enim mo-
do præiudicium dicebant Romani quasi præiu-
dicatum. Præiudicatum autem erat prius iudi-
catum , quemadmodum præiudicare prius iu-
dicare. Cicero lib. v. epist. ad Brutum. Quod
enim Senatus nondum censuit, nec populus Ro-
manus iussit id arroganter non præiudico , nec
renoco ad arbitrium meum. Vnde & præiudi-
cium accipitur interdum pro iudicio olim da-
to inter alios & constituto. Huc allusisse visus
est Gellius dum hunc in modum scribebat lib.
ij. cap. ij. Absque præiudicio (inquit Taurus
tu interea sede dum inspicimus querimusque

vtrum

DE PRÆIVD. LIBER I.

9

vtrum conueniat téne potius sedere qui pater
es , an filium qui magistratus est. Quò etiam
non incommodè referri potest , quod Tacitus
de moribus germanorum ita scripsit : Eius gen-
tis (loquitur de obseruatione quadam auspi-
ciorum qua bellorum euentus sèpius explora-
bantur) cum qua bellum est captiuum quoquo
modo interceptum cum elecô popularium
suorum patrijs quemque armis committunt ;
victoria huius vel illius pro præiudicio accipi-
tur. Nimirum si de iusta belli caussa quæratur,
ex victoria hostium captiutorum patrijs armis
commisorum tanquam ex præiudicio , id est ,
haud aliter quam si iudicium aliquod ea de re
factum fuerit, illa aestimabitur. Et ita præiudi-
cium quasi præiudicatum dicitur. Altero au-
tem modo quasi præiudicandum , & sic tam ad
futurum quam ad præteritum tempus præiu-
dicij vocabulum refertur.

Præiudicium ad preteritum tempus relatum quam di-
uisione ex Fabio recipiat, & ad futurum in quis-
bus constat.

C A P. II.

IVIDITVR præiudicatum in res ex
paribus caussis iudicatas, & pronun-
tiationem de eadem caussa ; præiudi-
candum verò in iudicijs ad aliquam caussam
pertinentibus duntaxat consistit. Fabius Insti-
tut. orator. lib. v. cap. ij. Præiudiciorum vis
omnis tribus in generibus versatur ; rebus quæ
A 5 aliquan-

aliquando ex paribus caussis sunt iudicatae,
quæ exempla rectius dicuntur, ut de rescissis pa-
trum testamentis vel contra filios confirmatis:
iudiciis ad ipsam caussam pertinentibus, vnde
etiam nomen deductum est, qualia in Oppia-
nicum facta dicuntur, & a Senatu aduersus Mil-
onem; aut cum de eadem caussa pronuncia-
tum est, vt in reis deportatis, adsertione secun-
da, & partibus centumuirialium. Hæc Fabius.
Ex quo loco manifestò constat duplici, quem-
admodum iam dixi, ratione nomen suum ob-
tinere præiudicium; una quasi præiudicatum,
altera quasi præiudicandum, quod ex his ver-
bis, Vnde etiam nomen ductum est, colligitur. Ce-
terum præiudicatum in iuris regulas quomodo
transeat, indeque in consuetudinem deueniat
alio loco coimmodius. De iudiciis enim ad al-
quam caussam pertinentibus totum hunc com-
mentarium duntaxat facturi sumus, de alijs ab-
solutis(si Deus dederit) aliquando commen-
tarijs disputaturi.

Præiudicij, sive iudicij ad caussam, qualis sit distin^{tio},
& qua ratione in nomen præiudicij iudicium ad
caussam transferit. CAP. III.

TITA QUE de iudiciis ad caussam
Ver aliquam pertinentibus dicamus, pre-
mittendum erit huiusmodi iudicia
vel ad rem, vel ad personam sic referri, vt vel
rei(sic

rei(sic enim loquuntur I. C. quamvis præiudi-
care rem sive de re dixerit non vno in loco Tul-
lius) vel personæ semper præiudicetur : Rei;
veluti hereditati, vt in cap. primo, Famil. ercisc.
veritati, vt in cap. penult. de his qui sunt sui.
predio, in cap. xvij. de except. & ita deinceps.
Personæ, qualia in Oppianicum facta dicuntur
præiudicia, & a Senatu aduersus Milonem;
qualia item in Verrem facta fuissent, si postu-
lanti G. Gallio iudicium QUOD PER VIM
AC METVM ABSTVLISSET in Apronium
L. Metellus decreuisset; vt est apud Cic. act. v.
in C. Verrem. Est itaque præiudicium aliud in rem
& quod in rem videtur esse; aliud in personam.
De reali & quasi reali prius dicemus, ordine
deinde de personali disputaturi. Regulæ igitur
loco teneat studiosi inueniri apud veteres non-
nullas exceptionū species, quæ caussas principa-
les ad quas pertinent ita concernunt, vt nisi in
iudicium deducantur, & prius ijs ad quas per-
tinent caussis definitionem accipient, fines re-
bus de quibus principaliter agitur, imponi non
possint. Quæ quidem exceptiones præiudicia
eo modo dicta sunt, quo præiudicare prius iu-
dicare significat. Ut ecce. si quum a liberto ope-
ras exigerem, libertus in iure se libertum ne-
gauerit, hoc casu an ne liberalem antè caussam
peragi necessum erit, quam operarum petitio in
iudicium deduci possit? Quod si id ita fuerit, con-
sequens erit non antè de operis cognitum iu-
dicem,

dicem, quām si præindicaret libertati, hoc est, prius de libertate iudicaret. Antequam igitur operarum petitio interueniat redditur præiudicium ceterorum iudiciorum solemni modo, quem ex varijs antiquitatum monumentis in studiosæ iuuentutis gratiam hīc non omitti posse existimauit.

Quænam sit antiqua iudicij per pretorem decernendis ratio.

Cap. IIII.

o
lim qui agebant causam apud prætorem dicebant. De caussa quæ dicta erat cognoscebat prætor, vel ut vide- ret an leges permittant anue prohibeant actionem dari: quo modo ex lege Licinia prohibetur, qui euitandi iudicij communi diuidendo gratia rem alienauit, communi diuidendo age- re. cap. vlt. de alienat. mutand. iud. Vel ut rei præsentis, de qua suscipitur controversia, diligenter inspiceret naturam, substantiam, qualitatemque ponderaret. Sæpiissime enim tam exiguis & leuibus de caussis suscipiuntur controvergia, vt facile de plano, vel per libellum possint expediri, cap. ix. de offic. procons. Ceterum si non ob hæc, certè quod prætoris fuerit quondam estimare quid esset suarum partium dum actio petebatur, hoc est, vtrum ipse cognosceret an iudicem dare deberet, cap. ix. de offic. præsid. non mirum si inaudita caussa actionem nunquam decreuerit. Et quandoquidem

dem non competente ciuilitatis caussa pro- priam interdum soleat actionem dare prætor, cap. vlt. de edend. & cap. xlv. de procurat. hac etiā ratione factum est, vt antequā det actionē, prætor cognoscat an ne alia sit actio, cap. xiiij. de eo quod met. cauf. Quo pertinent hæc verba *Causa cognita actionem dare, causa cognita actio- nem denegare, in nostris Pandectis.* In qua quidem cognitione caussæ obseruari solet, vt si actoris intentionem inficiaretur reus, de ea prius cognosceret prætor, quām actionem posset decernere. Dicere enim debet actor quo iure quid dari fieriue ab aduersario postulet: instrumenta, chirographi, & id genus alia, quibus in probationibus vti solent veteres, apud datum iudicem eduntur, cōque testes euocantur. Sed si reus de actoris intentione confiteatur & insuper exceptione vſus sit, etiam prætor de ea antè cognitus est, quām reus illam obtineat, cap. xxxv. solut. matri. cap. viij. de probat. Et ita quæ purè decreta fuisset, hoc modo addita exceptione actio datur.

Cognita caussa in litis verba ipsi composuisse præto- rem.

Cap. V.

E C A V S S I S sic cognouisse prætorem vt antequam actionem daret, quo iure actor in agendo, quo item in excipiendo reus vterentur diligenter inqui- teret, ex superiore capite constat, quæ prætoris inqui-

inquisitio prætoria dicitur cognitio cap. i. de rei vind. cap. iij. de lib. exhib. Et certè in actionib. exceptionibusque decernendis sic de causa prætorem cognouisse vt auditis partium probationibus eas decerneret auctor est lib. j. de Orat. Cicero, de imperito iuris aduocato in Q. Pompeij tribunali postulante differens. Et tandem inquisita, audita, cognitaque vtrumque causa, in verba litis ius (auctore in act. iij. contra Verrem Pediano) componebat quod iudici præscribebat, vt secundum illud præfens controversia definitionem acciperet. Hinc Varro de Latina lingua lib. v. iudicem dictum existimat quod ius dicat accepta potestate. Cuius quidem iudicis officium erat de facto cognoscere & ex formula a cuius præscripto non poterat aberrare, sententiam ferre. Id quod ex Seneca euidentissimum est qui sic lib. iij. de Beneficijs, cap. vij. scribit: Quæcunque in cognitionem cadunt, comprehendendi possunt & non dare infinitam licentiam iudici: ideo melior videtur conditio causæ bone si ad iudicem quam ad arbitrum mittatur, quia illum formula includit, & certos quos non excedat terminos ponit; huius libera & nullis astricta vinculis religo, & detrahere aliquid potest & adjicere. Nec quidem in huiusmodi iure componendo facilius erat prætori de actoris intentione cognouisse. Nam rei quoque admittebatur defensio actorisque interdum replicatio, cap. vij. de Cu-

rat. furios. dat. cap. xxx. de pact. dot. Et hanc iuris compositionem formulæ nomen apud antiquos obtinuisse ex his Anneti Senecæ verbis supradictis omnino constat; Quia illum formulæ includit: præsertim si addideris sic eundem Senecam de benef. lib. vi. cap. v. etiam scripsisse: Cōfunditur formula, si qui apud me pecuniam deposituerat, idem mihi polstea furtum fecerit, & ego cum illo furti agam & ille mecum depositi. Quin & Paulus cap. xl. de negoc. gest. huiusmodi formularum conceptionis meminit de iudicis extraordinarijs disputans. Hinc illa actionem pacta formare dicuntur, cap. vij. de pact. quæ quum in litis verba ius componit prætor formula actionis comprehenduntur.

Composito iure controversiam ad iudicem transferri. & quid à cognitione iudicis prætoria differat cognitio. C A P. VI.

E T E R V M iure composito ad iudicem quem prætor dabat controversia transferebatur. Namque quum innumeris Romæ quotidie litibus emergentibus prætoris tribunal sic implicabatur, vt si ipsus prætor de singulis cognoscere ac definire debuisse tanto oneri, haud dubiè succubuisset, huius muneris participes vti faceret nonnullos, prudenter & ingenio commendatos priuata conditionis viros fuerat meritò constitutum. Itaq; dum prætor iudicē iudicēsue daret nudam sim-

plicēm;

plicemque veritatis inquisitionem (quæ facti est) commendabat, dicebatque, SI PARET TITIVM DARE OPORTERE; quamvis interim de caussa cognosceret. Cuius quidem cognitio a iudicis quem dabit cognitione in hoc recedebat, vt illa in iure, hæc verò in nudo simplicem facto versaretur. Prætor igitur de causa in ciuilibus iudicijs quæ mandari possunt cognoscit, cognoscit de caussa & iudex datus: prætor, quo iure actor reum in ius trahat, quo item se reus defendat, cap. xxx. de pæct. dot. cap. xxij. §. vj. Sol. mat. iudex datus an sic se res habeat, quemadmodum ea tum ab auctore, tum a reo coram prætore dicta est. Illud enim esse datum iudicis officium ex his Vlpiani verbis probari potest: *Quo fit vt eo casu ipse index apud quem hoc iudicium agitur cognoscatur, an coheres sit,* cap. j. fa. nimurum qui se coram prætore (a quo præjudiciali exceptione addita erescunda familia iudicium decretum est) iure coheredem probauerat. Quocirca non iurisdictionem, sed simplicem dumtaxat notionem datum iudicem habere auctor est Vlpianus cap. v. de re iudic. Et ita in litis verba ius componebat prætor, non purè tantum, sed etiam exceptione addita.

Exceptiones nonnunquam vel in præscriptionem vel in præiudicium transmutari. CAP. VII.
QVÆ
præiudicium transmutari.

V A ratione in litis verba ius componebant actionem tum purè, tum etiam addita nonnunquam exceptione derit Romanus prætor haec tenus disputatum est: nunc videamus quomodo exceptio quam prætor addebat actioni soleat interdum in præscriptionem vel in præiudicium transmutari. Et quidem actionis verbo præiudicium comprehendendi, Vlpianus auctor est, cap. xxxvij. de act. & oblig. Illudque etiam exceptionis nomine contineri argumento est titulus de exceptionibus, præscriptionibus & præiudicijs. Igitur tam exceptionis quæm etiā actionis nomine vnum idemque præiudicium comprehenditur. Exceptionis quidē respectu illius ad quam pertinet causæ seu iudicij principalis: actionis verò, visitato iudiciorum ordine, vt ex subiectis apparebit. Omnis itaque exceptio quæ in suis terminis non permanet, vel in præiudicium, vel in præscriptionem transmutari solet. In præiudicium, si exceptio in iudicij naturam ac ordinem transmigret. Quod pertinent huiusmodi exceptionum formulæ, SI IN EA RE QVA DE AGITVR PRAEIVDICIVM HEREDITATINON FIAT, cap. j. famil. ercif. SI PRAEIVDICIVM HEREDITATI NON FIAT INTER ACTOREM ET EVM QUI VENVN DEDIT, cap. xxv. de pet. hered. SI PRAEIVDICIVM FVNDO PARTIVE EIUS NON FIAT, cap. xvii. de except. & sic de ceteris. In B præscri-

præscriptionem transit exceptio si prius exceptionem suam reus probet quam actio instituta tractetur; ut in huiusmodi formulis, SI NON PACTVS SIT NE PETERET. SI NON SOLVTA SIT PECVNIA. SI IN EA RE NIHIL DOLO MALE ACTORIS FACTVM EST, cap. ij. de dol. mal. & met. except. SI IN EA RE NIHIL METVS CAVSSA FACTVM EST, cap. iiiij. dict. tit. & sic deinceps.

De vera prescribendi ratione, quid sit præscriptione remoueri vel submoueri in nostris Pandectis.

CAP. VIII.

VOTIENS autem in præscriptionem transiret exceptio, ni reus præscriberet, id est, prius doceret quam actio instituta tractaretur, nihil impediebat quo minus lis secundum auctorem datur: sin vero doceret, ab actione submovebatur actor, quāvis eam in iure obtinuisse. Veluti, si petas a me centum, & te dicam pactum ne peteres; quāvis in iure actionem impetraveris, & ego exceptionem; tua tamen tandem differetur intentio, donec de mea exceptione cognoverit iudex datus. Ideoque si pacto præscribam, sive doceam pactum factum, ab actione submoveberis: sin docere nequeam, utiliter eam perages & in lite superior euades. Et hoc illud est quod passim prudentum responsa euoluentibus occurrit, præscriptione submoueri, præscriptione

scriptione nō remoueri, vt in cap. xij. de inoffic. test. cap. penult. circa finem; de re iudic. cap. penult. si libert. ingen. esse. dic. cap. xij. de diuersi. tempor. præscrip. & alijs locis innumeris. Ideoque Fortunatianus lib. primo Rethoricorum sic translationem a præscriptione distinxit, vt putaret translationem transferre, præscriptionem perimere seu excludere actionem: ea enim (inquit) a principio probata extinguitur actio. Si igitur extinguitur an adeò mirum si ab ea repellatur actor remoueatque? Ethic verus est quem nullus obseruavit præscriptionis effectus, quæ a prius scribendo nomen traxit. Ecquid enim aliud præscribere est quam prius scribere, analogiæ autem priustradere, prius docere; prius probare, & ita deinceps, quemadmodum non uno in loco Seruius & Donatus testantur? Si ergo prius actione pertractetur exceptio, ei præscribi rectè dicemus, quasi quod de ea prius scribatur.

Quomodo in præscriptionem dicatur exceptio transiisse.

CAP. IX.

EVIS interim existimet impletatam in iure exceptioni confessum in præscriptionem transire; id enim iure tacito fieri nequit, sed facto opus est. Ideoque quamdiu reus probatione nulla grauatur, in suo nomine suisque terminis manet exceptio, quos egreditur probationibus reo delatis. Igitur huiusmodi formula,

S I N O N D O L O M A L O A C T O R I S I N P RÆ
RE Q V I D F A C T U M S I T , exceptio est non
præscriptio. Itaque reus si dixerit se dolo a-
ctoris circumuentum excipit, sin probet, præ-
scribit. Qua quidem ratione sola cap. j. de do-
li mal. & met. except. Paulus, An quid dolo
factum est(inquit) ex facto intelligitur. Ni-
mirus probationibus a reo in medium adductis.
Præscribere enim & probare vocis non utique
significationis omnino differentia cerni, nemo
ambiget qui responsum Iulij Aquilæ cap. fi. de
suspect. tutor, vel obiter inspicerit: & ex cap.
ij. Ne de stat. defunct. id idem colligitur: Qui-
bus cap. iij. de præuaricat. etiā Macer subscrí-
pisse visus est. Quo sensu præscriptio diutinæ
possessionis cap. ix . Martiano dicitur, & Papi-
niano cap. x. præscriptio temporis, & Paulo
etiam cap. xij. præscriptio longæ possessionis,
& Hermogeniano denique præscriptio viginti
annorum cap. xiij. sub. tit. de diuersi. tem-
poralib. prescript. Nec alio sensu cap. xv Ad L.
Iul. de adulter. præscriptionem non obijci su-
am iniuriā vindicanti dixit Vlpianus.

*In quibus iudicijs præscriptioni locus sit, & qua ra-
tione.*

Cap. X.

E T E R V M olim tam in cauissimis capi-
tibus quam civilibus, tamque in
publicis quam priuatis usum hunc
præscriptionum fuisse quotidianum, ex hac
formula

formula deprehēdi potest; SI LEGEM PRO-
DIDISSE DICATVR OB HOC Q VOD AG-
GRESSVS ACCVSATIONEM ADVLTE-
RII DESTITIT. cap.ij. Ad L. Iul. de adulst.
Illudque commune fuit cauissimis ciuilibus cum
criminalibus in hoc præscriptionis usu, quod
tam in his quam in illis a priore tractatione
præscriptio nomen acciperet. Idcirco Vlpianus
præscriptiones quae obijci solent accusantibus
adulterij ante tractari dixit quam quis inter reos
reciperetur, cap. xv. ad leg. Iul. de adulst. ad
etymum nimirum vocis alludens, quasi indi-
cans præscriptiones inde dictas quod prius tra-
ctentur; in cauissimis criminalibus, priusquam
quis inter reos recipiatur; in ciuibibus, prius-
quam actio instituta tractetur. Aha igitur nulla
præscriptionis verbo exceptio comprehendend-
itur, quam quae in præscriptionem transit, hoc
est, (vt Vlpianus interpretari videtur) in prior-
orem tractationem. Omnis igitur exceptio,
præscriptio non est, quamvis aliter cum Accur-
sio reliqui mihi sentire visi sunt, etiam hi qui su-
as ementitis opinionibus commentationes stu-
diosæ fraudulenter obtrudunt iuuentuti. Et
haec de præscriptione. Exceptio igitur vel in
præscriptionem vel in præiudicium transit, quae
in suo nomine non permanet. De præscriptio-
ne haec tenus, nunc de præiudicijs.

Exceptio in præiudicij quomodo transeat.

Cap. XI

B 3

SI IN

IN huiusmodi iudicium translatum
exceptio, quod prius ad quam pertinet caussa definiendum veniat, in præiudicium sic transit, ut illud ante iudex datum expeditat quam de caussa cognoscat. Ut ecce, si quum a te fundi Tusculani fructus petrem, tu fundum Tusculanum tuum dices, nonne prius de fundi proprietate iudicandum erit, quam fructuum possit tractari condicione? Igitur quomodo prætor actionem daturus est? purè ne? non vtique. sed addita exceptione, quam in terminis suis non permanentem, sed in naturam & ordinem actionis transmigrantem pretor hunc in modum datus est, si PARRET FUNDI TUSCULANI FRUCTVS SCAVRO DEBERI, SI PRÆIVDICIVM FVNDO NON FIAT; secundum ea que cap. xvij. de except. Africanus refert. Si fundi eius, inquit, quem tu possides, & ego proprium meum esse dicam, fructus condicere tibi velim, quæsitum est, an exceptio, QVOD PRÆIVDICIVM FVNDO PARTIVE EIUS NON FIAT, obstat, an deneganda sit? & vtrobique putat interuenire prætorem debere, nec permittere petitori priusquam de proprietate constet huiusmodi iudicis experiri. hæc Africanus. Si igitur actor purum postularit iudicium, nimirum fructus deberi & reus exceptionem hanc addendam contenderit, SI PRÆIVDICIVM FVNDO PARTIVE EIUS NON FIAT,

FIAT, hoc est (vt interpretari videtur Africanus) si nō de fundi proprietate prius iudicandum sit, vtrobique interueniet prætor, reo nimirum, & actori pariter sui auxiliū facturus copiā, non purè, sed addita quæ in præiudicium transitura est, exceptione actionē tribuēs. Ut quis interim non ignoret præjudicialis exceptionis formulā, hoc (ni fallor) modò concipi solere, AIO PRÆIVDICIVM PRÆDIO FIERI DEBERE; vt sic excipiat reus, QVOD PRÆIVDICIVM PRÆDIO NON FIAT; prætore deinde præiudicij formulā componētem sic dixisse, SI PRÆIVDICIVM PRÆDIO NON FIAT. Hinc si fundū & præterea etiā viā ad eū fundum a te petam, túq; in iure conquerare quod fido præiudiciū non fiat, hoc est quod non prius de fundo quam de via iudicetur; nimirum cui præiudicium fieri necessum est, vt possit de via iudicium ordinē accipere, exceptionem vulem tibi fore idē Africanus scribit ca. xvij. de except. quæ videlicet in præiudicū sic transibit, vt prius de fundi proprietate datus pronūtiet iudex, quam devia cognoscat. Ita enim hanc formulā, QVOD PRÆIVDICIVM PRÆDIO NON FIAT, eodem ca. interpretatus est idem Africanus verbis, Videlicet quod non aliter mibi viam deberi probaturus sim, quam si prius probauerim fundum Titianum meum esse. Et ita intelligi debent huiusmodi præiudiciales formulæ, QVOD PRÆIVDICIVM NON FIAT. Si enim conqueratur reus, quod

præiudiciū prædio nō fiat, in effectu igitur præ*iudicium fieri prædio postulat: tantum abest ut impedire conetur, ne fiat prædio aliquod præiudicium quemadmodum somniant interpres.* Equis obsecro tam stolido hebetique ingenio est, vt hinc non intelligat, sic olim præiudicium iurisconsultos accepisse, vt eius applicatione, non id solum quod verè, vel per quandam translationem præiudicatum videbatur, sed illud etiam quod prius esset, respectu iudicij alicuius principalis iudicandum, intellegent? Reddebat præiudicium prætor, cap. si. Si ing. esse dicat. Quomodo? Nōnne vt iudicium? Iudicium dedit. An sic vt id quod iudicatum erat, actionis formula comprehendetur? Ait prætor, Iudicium dabo. Quid hoc est aliud quam iudici demonstrabo, quid ei sit iudicandum? Ait prætor, Præiudicium reddam. Quid hoc est quæso, nisi fuerit quid prius sit iudicandum formula comprehendam? Profectò si mihi non creditur, Vlpiano saltem habebitur fides, qui cap. j. famili. ercisc. in hanc sententiam scribit; Ex duobus heredibus hereditatem alter possidebat, altero in partem hereditatis se admittendum sedulò contendente, aduersus quem in iure partem petentem, & familiae erciscundæ actionem postulantem purè, alter ille qui hereditatem possidebat, actioni exceptionem hanc, SI NON IN EA RE PRÆIVDICIVM HEREDITATI FIAT, addi postulabat:

L I B R I C I.
stulabat: cognita deinde causa, in litis huius verba ius ita componebat prætor, SI PARET INTER CAIVM ET SEIVM FAMILIAM ER CISCUNDAM, SI IN EA RE PRÆIVDICIVM HEREDITATI NON FIAT, EX BONA FIDE SERVILIVS ER CISCAT. hoc est, si non in ea re prius fieri debeat de hereditate iudicium. Quasi in effectu dicat prætor, si familiam paret erciscundam, nisi de successione incidat cōtrouersia, Seruilius erciscat, si incidat, prius illam controuersiam dirimat, quam familiam erciscat. Quod expresse significant hæc, quæ in eodem Vlpiani responso subsequuntur verba; *Quo fit, vt eo casu ipse index apud quem hoc iudicium agitur, cognoscat an coheres sit, nisi enim coheres sit, neque adiudicari ei quicquam oportet, nec aduersarius ei condemnandus est.* Quibus quidem omnibus ex locis illud intelligi potest, quod sæpe diximus, & dicendum sæpius est, præiudiciales exceptiones, in actiones, quæ prius ijs, ad quas pertinent, caussis, per datum iudicem ex formulæ definiendæ sunt, transmutari. Vnde satis demirari nequeo, qua ratione putauerint nonnulli, antequam a prætore actio detur, dirimendam omnino quæstionem præiudicialem, quum hic iurisconsultus Vlpianus expresse doceat, non vtique per prætorem diffimi solere præiudicia, sed per datum iudicem, quod non tam ex ipsa, quæ hic extat præiudicij formula, quam ex verbis subsequentibus liqui-

do constat, nimirum his, ut eo casu ipse iudex &c.
Accursius Vlpianum sic est interpretatus, quasi reus dixerit actor, recte ageres actor, sed quia hic fit praeiudicium in eo, quod prius hereditatem petere debueras, ideo non recte agis: quasi verò in actione constituenda actor errauerit, cui familiæ erciscundæ experiunti in eo fieret praeiudicium, quod hereditatem petere debuerat, non utique familiæ erciscundæ agere. Sed non didicit Accursius prætorem olim nonnunquam purè, non nunquam addita exceptione actionem decreuisse: exceptionemque interdum in præscriptiōnem, interdum in praeiudicium transmutari. Et certè quid esset praeiudicium, tam inops latini fuit sermonis, ut non sit asscutus. Quod si igitur hæc didicisset, & verba illa, *Non nocet talis exceptio, ponderasset quæ sic sunt accipienda, ve si coheres ille aduersus quem alter coheres exceptionem obtinuit præiudiciale suam partem possideat, sic talis non nocet exceptio, vt qui in iure illam obtinuit ea prohibendus sit experiri*) haud dubiè in errorem istiusmodi non incidisset, in quem & reliqui eum secuti collapsi sunt.

Praejudiciales actiones unde nomen acceperint.

CAP. XII.

QVÆ

VAE VERA fuerit exceptionū distinctio superioribus aliquot capitibus declaratum est. Quamquum Accursius, Bart. & reliqui quorum ad nostras manus scripta peruererunt, non animaduertissent, bone Deus qualia commenti sunt? Ut vnum de tot erroribus, quibus inuoluti sunt interpres, recenseant, existimant illi actiones omnes, quibus status cōditionisue questio tractatur, præiudiciales nominatas; quo nihil potest dici absurdius. Quomodo enim liberalia iudicia ab actionibus illis præiudicialibus, de quibus in §. præiudiciales, agit Imp. differre aliter dixeris, quam quod hæc ad causam aliquam pertineant, indeque nomen acceperint; illa verò quum per se stent, causæ nullius respectu tractentur. Igitur sine præiudicijs subsistunt iudicia, sine quibus præiudicia non subsistunt. Idque mihi visus est diuus Ambrosius voluisse sic de interpellat. li. ij. ca. iiij. scribens: Non enim patitur præiudicium, cui non est iudicium. Itaque ad ingenuitatem & iudicio & præiudicio proclamari solet: iudicio si eius qui pro seruo detinetur nomine domino liberali quis scribat dicam; quo pertinet titulus de liberali causa, in quo ne semel quidem præiudicij mentio fit; præiudicio si quum patronus in ius libertum duxisset, ille se declararet ingenuum: quo casu quod prius de liberti quam de patroni intentione iudicetur, ideo ad ingenuitatē præiudicio fieri pro-

fieri proclamatio dicitur. Et eò haud dubiè referendus est de actionib. præjudicialibus Iustini locu sub tractatu de actionib. Inst. li. iij. Non inde ergo præjudiciales actiones dictæ sunt, vel quod in ijs magnum præjudicium vertatur, vel quod aptæ sint alij præjudicare causis, vel denique quod per illas impediti videatur, ne præjudicium feratur, vt plurimi somnia rūnt, verùm inde potius, quod prius ad quas pertinēt, caussis per datū iudicem expediantur. Habeo manuscriptum incerti cuiusdam aucto- ris antiquissimum de verb. iuris libellum, in quo de his ijsdem actionibus præjudicialibus sic inter cetera scriptum reperi; *Præjudiciales verò dicuntur, quia in modum exceptionum opponuntur, & ante primam questionem, de necessitate terminantur.* Nec quidem dubito quin hanc interpretationem ex aliquibus veterum iurisconsultorum, quæ nunc intercidetur reliquias, auctor ille desumserit. Huiusmodi enim reliquias usus esse quibusdam in locis omnino videtur.

Incertum esse præjudiciorum numerum, & loci alias quot de præiudicijs obscuriores vero sensu declarati

CAP. XIII.

ORVM porro, qui de certo præiudiciorum numero contenderunt, manifestus erit error, si præter ea que cap. xi. huius prioris libri notata sunt didicimus, quid apud Papirium sit præjudicio expe-

tiri, quid præjudicio inuare sit apud Plinium. Et hæc quidem nunc ordine tractanda sunt. Igitur si ære alieno grauatus reipublicæ cauſa me in exteris regiones contulerim, & reuerſus domum, intenerim creditores magnam bonorum partem, quia non defēdebar quāsi ob contumaciam distractisse, hanc si consequi velim, præjudicio consequi necessum erit; hunc in modum. Rem meam a possessoribus vindicabo, quibus emtionem obijcentibus, negabo bona iure diuendita, tum si venditionem iustum sustinuerint, tota ex præjudicio sic pendebit controuersia, vt prius iudex, an bona sint iure alienata, indicet, quam rei vindicatio tractetur. Et hoc illud est, quod ita Papirius scribit cap. xxx. de bonis aucto. iud. possid. in Florent. editione: Impp. Antoninus & Verus Augusti rescriperunt eos qui bona sua negant iure venisse, præjudicio experiri debere, & frustra principem desiderare rescindi venditionem. In qua quidem constitutione hæc verba, *Et frustra principem desiderare rescindi venditionem, ideo vi- deri possunt addita quod illa ad iudicis officium magis pertineat, quam ad Impp.* siquidē ex officio iudex præjudicat, quippe qui argumento cap. j. famil. ercisc. de exceptione rei, etiam præjudiciale, & vt Julianus cap. vii. de curat. fur. dat. scribit, de actoris replicatione soleat pronunciare. Qua sola de cauſa, quæ præiudi- cij possunt definiri non opus habere videntur principi-

principali decreto; quod velim notari. Nec sāne
absimili ratione præiudicio iuuare dixit lib. v.
epist. Plinius. Pomponia Galla (sunt hæc Plinius
verba) exheredato filio Assudio Curiano, here-
dem reliquerat me, dederat coheredes Sertori-
um Seuerum prætorium virum alijsque equi-
tes Romanos splendidos. Curianus orabat, ve-
sibi donarem portionem meam, sēque præiudi-
cio iuuarem, eandem tacita conuentione sal-
uam mihi fore pollicebatur. Quum iniuste ex-
heredatum se a matre putaret Curianus, here-
ditatem petijt tanquam filius; heredes instituti
exheredationem allegarunt a matre factam;
concessit quidem factam Curianus, sed iustum
negavit, illis contra iustum affirmatibus, ante-
quam hereditatis petitio tractaretur, tractan-
da fuit in officiis testamenti querela. Eāmque
quo commodius persequeretur Curianus, G.
Plinium, cui ex hereditate controuersa lega-
tum modicum obuenerat, portionem legatam
vt sibi donaret, sēque iuuaret præiudicio, roga-
uit: Plinius non donare, sed eam cedere,
paratum se dixit, esse autē se paratum cedere, si
iniquè exheredatum Curianū liqueret. Ideoq;
antequam & a Plinio portionem legatā & a Ser-
torio Seuero alijsque coheredibus hereditatem
obtineret Assadius, præiudicio de matri testa-
mento, quo exheredatus dicebatur, fuit conten-
dendum, hoc est prius an iuste exheredatus esset
filius, iudicandū. His addatur præiudiciū illud
quod

L I B R Y . 3 1
31

quod edictō perpetuo propositū fuisse Diocle-
tianus et Maximianus auctores sunt, his verbis:
Neq; filium negare cuiquam esse liberum, Sena-
tus consulta de partu agnoscendo, ac denuncia-
ta pœna, item præiudiciū edictō perpetuo pro-
positum, & remedium alimentorum apud præ-
sidem maiori trimo, petendi nomine eius mon-
stratū, iure manifesto declarant. ca. ix. C. de pat.
Potest. Si non de alendo, sed de agnoscēdo dun-
taxat filio quæstio incideret, tunc Senatuscon-
sultis de agnoscendo partu locus erat. Sic, ni fal-
lor, vt mulier, seruato ordine Senatusconsultis
præstituto, intra dies triginta post diuortiū con-
numerādos marito denunciaret se prægnantem
esse, vt posset maritus custodes mittere: cui dein
de denuntiationem non recipienti, & ob id nec
custodes mittenti, decreto præsidis vel prætoris
pœna denuntiabatur. Et ita Senatusconsultis
denuntiataque pœna liberum parenti non erat
filium negare. Præiudicio verò ita demūm
negari filius non poterat, si, cùm sibi filius
alimenta peteret, is a quo petebantur alimen-
ta contenderet eum qui vt filius ali postula-
bat filium suum non esse. Tunc enim sic da-
bat actionem prætor, vt partui præiudicium
ficeret, hoc est vt index iudicēs sic an filius esset
prius cognoscerent, quām decernerent ali-
menta, capite fin. C. de alendis liberis. Nec
alio sensu personæ quæ sunt iuris nostri, olim
præiudicijs peti dicebantur, capite primo
de rei

de rei vindicat. Sic enim præiudicijs petebantur, vt eius a quo liber homo petebatur, exceptio in præiudicium transiret, nimirum si tale quid obijceret reus, vt de eo prius esset cognoscendum iudicandumque, quam de petitoris intentione tractari quicquam posset. Velut si is, qui vt filius petebatur ex iure Quiritium, seruus diceretur possessoris esse. Et hæc quidem haec tenus de principijs & præiudiciorum interpretatione sufficient. Nunc antequam ad eorum in Romanorum tribunalibus usum veniamus, paucis qua ratione recte definiri possit præiudicium, excutiamus.

Quid sit præiudicium. CAP. XIIII.
IC PVTAVI commode præiudicium definiri posse, vt sit, *Exceptionis formula futuri iudicij nomine in actionem, non sine priore tractatione transmutanda.* Formulam exceptionis præiudicium definiui, nam constat illud exceptionis nomine contineri, manifesto tituli de except. præscript. & præiudic. argumento. Et quum actionis verbo insuper illud comprehédi auctor sit Ulpianus cap. xxxvij. de aet. & oblig. an mirum est, futuri iudicij nomine in actionem præiudicium transmutari? Exceptio namque præjudicialis, quamprimum olim esset impetrata, & formulæ actionis addita, trasibat in actione. Qua ratione exceptiones,

qua-

quæ in præiudicium transeunt, futuri non facti iudicij nomine comparatas scripsit Iulianus hunc modum: Si post litem de hereditate contestatam, res singulæ petantur, placet non obstatre exceptionem QVOD PRÆIVDICIVM HEREDITATI NON FIAT: futuri enim iudicij, non facti nomine huinsmodi exceptiones comparatae sunt. hæc Iulianus, cap. xij. de excep. Sic nimirum futuri iudicij nomine exceptiones istiusmodi comparatae dicuntur, vt ex ijs fiat iudicium, sive vt illæ in futurum aliquod iudicium prius principali causa necessariò definiendum, transeat. Quum enim de hereditate contendere, sic vt tota successionis controversia in iudicium deducta esset, vidi res quasdam ab improbis possessoribus detineri, eas vindicare volui: quod si illi me heredem negauerint & per hoc contenderint præiudicium hereditati fieri debere, hanc exceptionem prætor, postulantibus aduersarijs, sic vtique datum non est, vt ea in præiudicium transeat, videlicet quod exceptiones in præiudicium transeuntes, non facti sed futuri iudicij nomine sint comparatae. Quum igitur hac specie de hereditate factum sit iudicium, sui per consequens officij limites egressurus prætor est, si illam postulantibus indulgeat, factum enim sic de hereditate iudicium est, vt lis sit contestata. Ergo rebus integris, nulla hereditatis controversia mota, si res quasdam ab eo peteres, qui te heredem negabat

C

negabat

negabat, & tecum sponsione contendere volebat, NI PRÆIVDICIVM FIAT HEREDITATI, ut illos ex Iuliani sententia erat sponsio, piatorque in verbahis sic actionem dabat, SI PARET FUNDVM QVEM EX MEVII HEREDITATE TITIVS POSSIDET SEMPRO NIL ESSE, SI NON IN EA RE PRÆIVDICIVM FIAT HEREDITATI, SERVILIVS IVDEX ESTO. Aliud autem erat si res non quas possidebat, sed quas bona fide possessor hereditatis alienauerat, velut heres ab emitoribus vindicares. Tunc enim emtores in iure, QVOD PRÆIVDICIVM HEREDITATI NON FIAT INTER ACTOREM ET EVM QVI VENVN DEDIT, conquerentes, non aliter audiebat prætor, quam si regressum ad bonæfidei venditorem saluum exciperent. Proinde bonæfidei possessore paratum se ita hereditatem defendere promittente, atq; si res quas alienauerat, possideret, emitoribus hanc dabant exceptionem prætor, SI PRÆIVDICIVM HEREDITATI NON FIAT INTER ACTOREM ET EVM QVI VENVN DEDIT. cap. xxv. de petit. hered. Quæ quidem exceptio in præiudicium sic transibat, ut proposita hereditatis controversia inter actorem & bonæfidei venditorem ante perageretur, quam de rebus alienatis actori restituendis, tractari posset. Certe pro parte eandem regulam, qua non facti, sed futuri iudicij nomine exceptiones præiudiciales com-

paratae

paratae dicebantur. Easque idcirco nunquam decernebat prætor, nisi statim in actiones transmutarentur. Ideoque si nullum ad bonæfidei possessorem regressum habuissent emtores, exceptionem huiusmodi illis nunquam decreuerit prætor. Inter emtores enim & actorem nulla fieri hereditatis controversia potuerat, nec per consequens in actionem exceptio transmutari. Proinde cessante huiusmodi exceptionis effectu, ipsa quoque cessare & inutilis esse exceptio debebat. Addidi præterea non sine priore trattatione, exceptio enim in actionem transmutanda ideo in nomen transit præiudicij, quod illa prior, ad quam pertinet, causa principali peragi soleat; nam præiudicare idem, quod prius iudicare significat.

An condemnationem vel pronuntiationem constineat præiudicium.

CAP. XV.

N AVTEM sine condemnatione addi-
A debeat definitioni videamus. Et
quanius Theoph. eam non omisisse
visus sit, ego tamen non necessariam existimo,
quod plurima sint præiudicia, quæ condemnationem
requirant. Ut si petam viam ad meum
fundum per fundum tuum, & dixeris
fundum ad quem viam peto, tuum esse, sic ex
præiudicio pendebit controversia, vt non sine conde-

C 2 conde-

condemnatione prius de fundo pronuntiet iudex quam de via cognoscat, cap. xvi. de except. Sunt igitur praeiudicia, quæ sub se condemnationem continent, qualis est iam dicta species, sunt quæ nullam continent; utpote si de sola veritate sic iudex cognoscat, ut ad dandum vel faciendum non condemnet. Igitur in praeiudicijs, quæ in rem sunt, opus est condemnatione; in ijs vero quæ in rem videntur esse, vel quæ quasi in rem sunt, quales sunt, per quas quartitur an quis liber sit, an quis libertus, vel seruus sit, & de partu agnoscendo, non opus est condemnatione. Imo nec aliqua pronuntiatione, quemadmodum Seuerus & Antoninus imperatores scripsisse visi sunt. cap. j. C. de ord. cog. Quod quidem rescriptum, ad questionem status praeiudiciale duntaxat pertinet. Et sic ab ijs quæ in rem sunt, multum differunt praeiudicia quæ in rem videntur esse. Cum enim per tuum fundum viam ad meum fundum peto, si fundum ad quem viam peto, non meum sed esse tuum contendens, fundo necessum est fieri praeiudicium, non sine praeiudiciali pronuntiatione. Pronuntians enim iudex de causa principali, puta viam deberi, non idcirco pronuntiat, eius cui via debetur fundum esse, ad quem via petitur. Aliud autem est in praeiudicijs quæ in rem videntur esse. Si enim hereditatem petam, & possessores hereditatis me seruum esse contenderint, an seruus sim præiudica-

iudicabitur. In quo quidem praeiudicio nulla est opus iudicis pronuntiatione. Eadem enim pronuntiatione qua principalis dirimitur controversia, incidens quoque huiusmodi status iudicium definiri potest. Eum namque de cuius statu praeiudicio contendit, heredem pronuntians datus iudex, per consequens liberum quoque eundem pronuntiat. Eoque Theophilum arbitror respexisse cum praeiudicium formulam esse scribebat ex sola constantem intentione sine aliqua condemnatione. Et sic quidem quotiens praeiudicium eadem cum principali causa pronuntiatione expediri poterat, duabus vni non videntur pronuntiationibus iudices: ad quas tunc demum configiebant, si una pronuntiatione causa principalis cum præiudicio non poterat definiri. Quod tamen sic accipere conuenit, ut iudex non prohiberetur, si vellet de huiusmodi præiudicijs pronuntiare, sed ut necessè id semper non fuerit, cap. xlj. de nox. act. cap. viij. de in ius voc. Et ita multum a iudicijs præiudicia differunt quibus de statu controversit. Iudicia enim omnesque status iudiciales controversiae, pronuntiationem semper requirebant. cap. xlij. de probat. Status vero præiudicia, nullam requirebant necessariam iudicis pronuntiationem ut ex Antonino & Theophilo probatum est. Est porro & alia præiudicij definitio quam ex Pediano nonnulli

38

DE PRAEIVDICIIS

in medium attulere, sed eam quandoquidem
nostræ de persona præiudicij descriptioni
omnino seruiat, in librum huius
commentarij posteriorum
referuabimus.



IACO-

I A C O B I R A E V A R D I

I. C. DE PRAEIVDICIIS

LIBER SECUNDVS.

Præiudicium alterutro desiderante quomodo reddas
tur.

CAP. I.

IBRVM superiorem feci de præiudiciorum principijs, præjudicialisque formulæ vera interpretatione; hic verò posterior liber in vñl præiudiciorum explicando totus erit. Et quidem ante omnia, quomodo apud Vlpianum alterutro desiderante reddantur, excutiamus, cap. fi. si. ing. esse dic. Si igitur exceptionis actionisque verbo præiudicium libro superiore probatum sit contineri, non mirum interdum exceptionis actionisque interdum loco illud decerni. Hinc dari præiudicium alterutro desiderante Vlpianus auctor est d. ca. fi. Nec id absurdū adeo si perhibēte Papiriano de vñscap. ca. v. & vt scribit li. ij. de arte Reator. Tullius, nō solùm actiones, verum etiam exceptiones olim dari in iure & postulari soleant. Veluti in ius vocau libertum, cum eo de operis mihi nō præstis expostulaturus, libertus ad ingenuitatē proclamat, questio est quis sit in hac specie iudicialis ordo? In locu iudicij principalis præiudicij postulatio surrogabitur, sed qua ratione? sic nimirū, vt illud vel actionis vel exceptionis loco à pretore decernatur: actionis quidē

C 4

is qui

is qui se patronum dicit, liberale iudicium in locum petitionis operarum constitui desideret; exceptionis loco, si libertus actioni, quam pure patronus postulabat, hanc exceptionem, **S I N G E N V I T A T I P R A E I V D I C I V M N O N F I A T**, addendam contenderet. Et hac ratione exceptionis nomine venit præiudicium, non quod exceptionis quodammodo naturam illud redolere videatur: verè namque exceptio est, non eius duntaxat naturam redolet. Et certè ex cap. xvij. de except. satis probari potest præiudicia olim haud sécias quam exceptiones postulantibus indulgeri. Verba enim hæc, *An deneganda sit, præ se ferunt petitionem; nec enim aliter exceptionem denegat prætor quam si petatur.* Et ita alterutro desiderante redditur præiudicium.

An sine cognitione caussæ reddi posse præiudicium, & de cognitione caussæ quedam non vulgaria.

C A P. I I.

E T E R V M quum actionem non alter quam cognita caussa decernat prætor, vt lib. superiore disputatum est, an etiam in præiudicijs huiusmodi caussæ cognitione sit necessaria, in dubium vocari scio. Ego necessariam didici, nihil obstante eo, quod etiam nulla interueniente caussa (quam ad cognitionem prætoris trahunt nonnulli) Vlpianus reddi

reddi præiudicia scripserit, d. cap. fi. Nam quum actionis nomine sic omnino teneantur, vt more iudiciorum, fitato solemniter peragan tur, cur non & in illis decernendis caussæ cognitio sit necessaria? Et quum haud aliter quam iudicia reliqua, quæ non nisi caussa cognita postulantibus indulgétur, illa dari soleant, cap. xxxv. de procurat. cur non eadem omnino ratione caussa cognita darentur? Quare enim ex nudo pacto actio non datur? Quod nulla huiusmodi pacto subsit caussa, vel honoraria, vel legitima, cuius ergo actionem meritò tribueret prætor, qui non nisi caussa cognita, probataque actionem solet decernere. Cognoscit in iudicijs ciuilibus an caussa, ob quam actio petitur, legitima sit, id est, lege confirmata: cognoscit in honorarijs, an illi suggerat æquitas, vt ex sua iurisdictione actio constitui possit. In omnibus igitur controversijs, quibus aliqua suberat caussa, cuius ergo actionem prætor non audebat denerare, de caussa cognoscebat; & si quidem ea legitima esset, legitimam, hoc est, ciuilem actionem decernebat, sin verò iusta satis, satisque ad agendum efficax, quanuis lege non confirmaretur, vtilitatis tamen gratia prætor, qui viua legis vox erat, actionem introducebat. Quoniam itaque præiudicijs sèpenumero caussa nonnullis legitima, nonnullis honoraria subsit, vt patet ex §. præiudiciales, Institut de act. ea igitur non nisi caussa cognita, prætor est decreturus. Est

C S

namque

namq; actionis causa substantia ipsius controversæ. Ex tribus enim illis actionibus præjudicinalibus, quæ in dict. §. præjudiciales, enumerantur, vnam legitimam causam habere adserens Imp addidit reliquas ex iurisdictione prætoris substantiam capere; quasi diceret vnam legitimam causam habere, reliquas prætoriam, vel vnam ex lege substantiam capere, reliquas ex iurisdictione prætoris. ut sic nec a causa substantiam, nec a substantia causam separares. Redditur ergo alterutro desiderante præjudicium, & non sine cognitione causæ. Quomodo nulla interneniente causa reddatur, dicemus, si prius quis in præjudicijs actoris partibus fungi debeat, exposuerimus.

Quis in præjudicio actoris partibus fungi debeat.

C A P. III.

V LPIANVS generaliter in præjudicijs eum partibus actoris functurum scribit, qui habet intentionem, secundum id quod intendit, cap. xij. de except. Quod eadem omnino ratione existimant accipendum nonnulli, qua dicimus eum probare debere, qui dicet, non qui negat, cap. ij. de probat. freti fortassis aliorum responforum auctoritate, quibus patrono ob id deferri videtur probatio, quod dicat se patronum, cap. xvij. de probat. Quotiens opera quasi a liberto petuntur inquit Vlpianus, probationes ab eo qui se patronum dicit exiguntur. Et ideo Julianus scripsit,

scripsit, licet in præjudicio possessor patronus videatur, verum partibus actoris fungi debere non libertum, sed eum qui se patronum esse contendit. Idem Vlpianus cap. fi. Silibert. ing. esse dicat. sic etiam de præjudicio scribit: Redditur autem alterutro desiderante, sed actoris partibus semper, qui se patronum dicit, fungitur, probaréque libertum suum necesse habet, aut si nō probet, vincitur. Et licet hęc ita sint, aliter tamen paululum sentio. Iuris enim regulam hanc, Generaliter in præjudicijs is partibus actoris fungitur &c. in nullis alijs iudicijs, quam in solis præjudicijs, locum habere existimo: dum contrā alia illa quæ cap. ij. de probat. extat, non tam in iudicijs quam etiam in præjudicijs vnu veniat. Proinde multum interesse puto, an iudicio, an verò præjudicio, de libertate contenderetur. De statu autem litigari vel ex libertatis, vel ex seruitutis possessione, scribit Vlpianus, cap. xxxvij. de procurat. Et qui ex seruitute in libertate aliquem adserebat iudicio liberali, quia dicit, idcirco probationis onere grauari solet, cap. ij. de probat. Sic ex possessione libertatis quem volens in seruitutem trahere, propter eandem regulam, qua qui dicit probare compellitur, probandi etiam onus sustinebat. Idque in eo qui non præjudicio, sed planè iudicio ex libertinitate ad ingenuitatem proclamabat, peræque obseruatum fuit, cap. xij. de probat. cap. viij. de

vij. de lib. caufa. Si quis igitur ex seruitute liberali iudicio ad ingenuitatem proclamaret, petitoris partes sustinebat: si vero ex libertate in seruitutem, vel ex ingenuitate in libertatem qui in possessione libertatis vel ingenuitatis erat peteretur, is partes actoris sustinebat, qui seruum vel libertum suum dicebat. Ergo quoties hoc incertum erat, ut posset iudicium ordinem accipere, ante apud eum, qui de ea re erat cognitus, disceptabatur, an ex libertate in seruitutem, vel ex ingenuitate in libertatem, aut contra ageretur, d. cap. vij. In praeiudicijs vero huiusmodi disceptatione opus non est, sed quia in iis duæ concurrunt intentiones simul, in considerationem duntaxat venit, uter intentionem habeat, secundum id quod intendit. Ex duobus enim praeiudicio contendentibus, alter intendit, & secundum illud quod intendit, aliud quid insuper intendit, ac sic duplum intentionem habet: in iudicijs vero unus duntaxat intendit, & alter excipit, quanvis qui excipit quasi intendere nonnunquam videri possit, maxime si in præscriptionem exceptio transire debeat. Hoc ita tam varie, quod praeiudicia ex duobus constet iudicijs, iudicia ex una duntaxat intentione, seu quæstione. Quemadmodum igitur in iudicijs, qui dicit, non qui negat, actoris partibus fungitur d. ca. ij. de probat. ita in praeiudicijs qui habet intentionem tacitam secundum id quod intendit expressè, is partes actoris

tes actoris sustinet, d. cap. xij. de except. Veluti, si patris hereditatem ab agnatis, ad quos ea pertinere ab intestato videbatur, tanquam filius & per hoc agnatis proximior petam, illique me filium legitimum negarint, an legitimus sim praeiudicabitur. In quo quidem praeiudicio, quod intentionem secundum id quod intendo habere videar, mihi deferenda probatio est. Per hoc enim quod hereditatem peto, intendo, nimirum me legitimum patris heredem, & secundum hanc intentionem, intendo me legitimum filium. Secundum igitur id quod intendo habeo intentionem, si prætor sic formulam com posuerit, ut ea in hoc tota sit, an filius qui patris intestati hereditatem sibi deberi dicit, filius sit defuncti legitimus. Sic si quis a liberto operas exigat, intendit nimirum sibi operas deberi, & secundum id intendit insuper, eum, a quo petit operas, libertum suum esse; quod si id neget liber tus, qui se patronum dicit, probationis onere grauabitur; nam secundum id quod intendit, intentionem in iure obtinuit. Per hoc enim quod operas a liberto patronus exigit, duplum habet intentionem, unam expressam, tacitam alteram; expressa est operarum petitio, tacita, qua libertum suum dicit. Atque haec quidem de vera d. cap. xij. interpretatione hic sufficiant. Nunc quomodo si nulla interueniat cau fa, praeiudicium soleat reddi, paucis excutiamus.

*Qua ratione nulla interueniente cauſſa p̄ræ
iudicium reddatur.*

CAP. III.

VOTIENS de hoc contenditur
(inquit Vlp. ca. fi. Si ing. esse dicatur) an quis libertus sit, siue operæ
petantur, siue obsequiūm desideretur, siue eti-
am famosa actio intendatur, siue in ius vocetur,
qui se patronum dicit, siue nulla cauſſa interuen-
iat, redditur p̄ræiudicium. Ex quo loco sunt
qui colligant p̄ræiudicium non semper ad cauſſam
aliquam referri, sed interdum nihil esse ali-
ud quam simplex iudicium. Quod vereor ut
sustineri possit. Quis enim eadem autem verè
dicere iudicium, & p̄ræiudicium? Quæ vel a
Tullio semper distingui solent. Quo pertinet
(vt alia multa quæ paſſim apud eundem obuia-
funt, exempla omittam) quod sic in diuinatio-
ne in Verrem legitimus: Primum cauſſam inimi-
ci tui subleuabis, de quo non p̄ræiudicium, sed
planè iudicium iam factum putatur. Certè
nisi alio, quam hōc solo Vlpiani responso opini-
onem istiusmodi confirmet, si nihil minus,
quum hæc Vlpianus scribet, quam tale quid
eum cogitasse verisimilibus coniecturis (nihil
enim certi adſerere ausim) doceri possit, quo
minus nostræ ſententiae suas accommodent
opinio-

opiniones quid impedit quæſo? Nec ſanè
adeo cum vera huius responſi interpretatione
videtur conuenire Frans. Duarenſi ſententia
cauſſam in hoc Vlpiani responſo ad intentionis
cauſſam trahentis, de qua in p̄ræiudicijs p̄ræto-
rem existimat non cognouiffe. Conſtat enim ex
diuersis prudentum responſis, tam iudicio
quam p̄ræiudicio ad libertatem proclamari.
Iudicio, si domino quis serui nomine liberale
dictet iudicium; quod pertinet titulus De liberali
cauſſa; p̄ræiudicio, si quum ex cauſſa in ius
duxisset libertum patronus, libertus ad inge-
nuitatem proclamaret; quo caſu antequam
p̄ræiudicium decernatur, dici debebit in iure
cauſſa, & ita si vel operas a liberto vel obsequiūm
desideret patronus, id apud p̄rætorem ex-
primere debebit, vt audita cognitāque cauſſa
p̄rætor patrono det, quam poſtulat actionem,
nec purè quidem, ſed exceptione, quæ in p̄ræ-
iudicium tranſitura eſt, addita, hunc in modum;

SI PARET TITIVM CAII LIBERTVM,
CAIO PATRONO SVO OPERAS DE-
BERE, SI NON IN EA RE INGE-
NITATI PRAEIVDICIVM FIAT.
& ita patronus qui aduersus libertum experi-
tur, ſemper exprimit intentionis cauſſam. Ig-
titur aliter hæc verba siue nulla cauſſa interueniat
accienda ſunt. Ut autem quid mihi videatur
paucis exponam imprimis ſciendum erit, quo-
tiens de p̄ræiudicijs quæſtio occurrit ſemper de
duobus

duobus iudicijs agi, quorum alterum præiudicium dicitur a præiudicando, quod prius altero dirimatur, alterum vero iudicium siue ipsa cauſa. Deinde si quum auctor cauſam diceret sic reus exceperit, ut eius exceptio in præiudicium transiret, non ante auctor litem in iudicium ducturus est, quam vbi præiudicatum fuerit defensoris intentioni, & tunc interdum interueniebat cauſa, id est, interea dum præiudicium definiretur, in iudicium deducebatur, interdum non interueniebat, id est, euaneſcebat, inutilis erat, nulla erat, ut ex subiectis apparebit. Hinc dubitabant veteres si præiudicio finito nulla cauſa interueniat, siue in iudicium deducatur, an præiudicio, an vero iudicio res videatur transacta. Dubitationem mouet quod præiudicium respectu cauſæ alicuius, ad quam pertinet, nomen acceperit. Hinc in questione cadit, an non interueniente finito præiudicio cauſa, id est, euaneſcente nomen amiserit præiudicium, & non præiudicium, sed iudicium simpliciter vocari debeat? Respondit omnis ambiguitatis tollendæ gratia Vlpianus etiam si nulla interueniat cauſa, dum præiudicium definitionem accipit, nihilominus præiudicium non iudicium reddi. Ad hoc enim, ut in præiudicij nomen quid incidat non necessarium est cauſam semper interuenire, sufficit enim eam die postulationum coram praetore fuilla dictam. Quod pertinet quod cap. xlj. de noxal.

act. sic

act. sic Vlpianus scribit: Si ad libertatem proclamaueritis, cuius nomine noxale iudicium suscepsum est, sustineri debet id iudicium, quo ad de statu eius iudicetur, & si quidem seruus fuerit pronunciatus, noxale iudicium exercebit: si liber, inutile videbitur. Quasi dicat, si quidem seruus fuerit pronunciatus, noxale iudicium interueniet, si liber, non interueniet. Sic in hoc Vlpiani responso, si patronus operas petierit, si obsequium desiderauerit, si famosum liberto dictauerit iudicium, & liberatus ad ingenuitatem proclamauerit, vel si quum libertus in ius ex cauſa tanquam ingenuus patronum vocaret, ille libertum suum diceret, si quidem libertus pronuncietur libertus, opera peti, obsequium desiderari, famosa actio intendi poterit, & cessabit in ius vocatio; si contra ingenuus, operarum petitio euaneſceret, obsequij desiderium inutile erit, famosa actio erit inanis, in ius vocabitur qui se patronum dicit. Et hac ratione sola, siue interueniat, siue non interueniat cauſa ab auctore dicta, redditur præiudicium, non iudicium. Ceterum si quis paruam adhuc meæ opinioni fidem habeat, inspiciat quæ Diocletianus & Maximianus cap. penult. C. de ordine cognit. rescripserunt. Si res tuas (inquiunt illi) raptas tibi vel amotas esse dicis, ab his quos seruos tuos esse contendis, hiique in libertatem proclamauerint, cauſa liberalis prius aduersus eos, & tunc damni da-

D ti, rerum.

ti, rerumque amotarum lis apud præsidem prouinciae contestanda est; ut si quidem liberti, vel serui non esse pronuncientur, tunc damni dati, rerumque amotarum procedere possit adhibita probatione condemnatio; sin vero securus, quaestio rerum amotarum evanescet. Vnde quis non colligat eadem planè esse evanescere, inutile esse, & non interuenire? quemadmodum apud Paulum utilis aut inanis actio, vtile aut nullum iudicium, causa seruo ad ingenuitatem proclamanti mota, finito de libertate præiudicio dicitur futura, capite xxiiij. de lib. caus. cunctis species talis est; Quum ordinato liberali iudicio seruus agere, & cum ipso agi possit, si quas actiones ei dominus intulerit, queritur, primùm, an suscipiendum sit iudicium, deinde an ne videatur per hoc, quod dominus agat cum seruo, libertati præiudicium fieri? Et quidem respondit Paulus plerosque existimasse, si in personam agat, suscipiendum iudicium ad litis contestationem, sed sustinendum donec de libertate iudicetur: ceterum ex euentu, aut vtile iudicium erit, (id est, interueniet) aut nullum, (id est, non interueniet) si contra libertatem pronunciatum fuerit. Et quamvis cum seruo agat dominus, per hoc tamen non fieri præiudicium libertati, sic ut per hoc de libertate iudicium aliquid minus necessarium videri possit. Ergo siue opera petantur, intellige cum effectu, sic ut operarum petitio non in causæ dictio-

dictione consistat, sed in iudicium deducatur, quod non nisi finito præiudicio fieri posse, probauimus. Et ita haec verba siue nulla caussæ interueniat accipienda sunt.

Toti cum parte in controversiam concurrenti qua ratio ne præiudicetur. C A P. V.

ORRO quod idē Vlpianus ita scribit; Si is faciat controversiam hereditatis qui cum defuncto cōpromiserat, futurum est præiudicium hereditati, si arbiter sententiam dicat; ergo interea inhibendus est arbiter, cap. xxxij. de rec. arbitris. hoc non eam habet sententiam, quam vulgo habere creditur. Sunt enim, qui hinc colligant exceptionem præiudiciale impedire, ne feratur præiudicium. Non id quidem impedire, sed in huiusmodi transire iudicium, quod prius caussa, ad quam pertinet, definiendum est, satis iam satis probatum est. Quasi dixerit Vlpianus, si is faciat controversiam hereditatis, qui cum defuncto, de cuius hereditate controversia est, cōpromiserat, futurum est præiudicium hereditati, sic ut prius de successione iudicetur, quam hereditas petatur, si arbiter sententiam dicat (hoc est, si patratus sit sententiam ex compromisso ferre, nemdum tamen dixerit, quod indicant verba subsequentia, Ergo interea inhibendus est arbiter,) interea dum de hereditate defuncti, qui

compromiserat, præiudicium coram iudice pendet, arbiter inhibendus est sententiam ex compromisso ferre. Veluti, ego Titio ædes meas vendidi, orta deinde inter me & Titium de precio controversia, communī vtriusque consensu in arbitrum virum bonum compromissum est, interea dum compromissum coram arbitro pendet moritur Titius, ilico me Titio putans heredem legitimū hereditatem ab improbis possessoribus peto, heredem me negant illi, deinde hereditatis controversiam facio; hac specie prius de successione iudicandum erit quam hereditatem obtineam: Et ita fututum est præiudicium hereditati. Arbiter autem si sententiam dicat, hoc est si velit, si paratus sit sententiam dicere, interea dum de hereditate lismota coram iudice versatur, prohibendus est eam dicere. Et si in hoc præiudicio superior euadam, quia mihi hereditatis petitio futura sit integra, petam hereditatem; qua obtenta illico compromissum euanscet, & ipso iure a sententia ferenda liberabitur arbiter: sin contraria inferior, debitam ædium quantitatē arbitri sententia consequar. Res enim, de qua in arbitrum compromittebatur si Titius viuus superior in compromisso euassisset, pars vtiue fuisset hereditatis Titij: si igitur me dicam heredem Titio iam defuncto, aduersus quem ad summæ quantitatē mearum ædium arbitri sententia moderandam compromisso exterior, ad par-

ad partem hereditatis Titij, arbitrio contende re videor. Ideoque hac specie quandoquidem subtili quadam inspectione & totum & partem petam, toti præiudicabitur, & tunc demum de parte (si ita res tulerit) arbitrium erit integrum: si quidem ergo totum sit hereditas, pars verò debita pecunia, quid mirum quod hic Iurisconsultus dixerit fururum præiudicium hereditati, hoc est, prius iudicatum iri de toto, quam arbitris ex compromisso sententiam ferat, id est quam de parte iudicetur, totum quippe & partem sub se continet. Et ita accipiendum non dubito istud Vlpiani responsum. Et certè huiusmodi verba, oportet, dicat, interueniat, & similia interdum ~~ταρατικῶς~~, & cum quodam temporis spatilio esse accipienda auctor est Iulianus cap. i. vnde legit. Et verbum videbitur, pro videri poterit nonnunquam veteres posuisse testis est etiam Pomponius cap. xxj. de statulib. Nunc videamus qua ratione apud Africānum concurrentibus in controversiam principali & accessorio simul, præiudicium fiat principali.

Si principale cum accessorio in controversiam concurredat, cui præiudicandum sit.

Cap VI.

I F V N D V M ate petam, & preterea etiam viam ad eum fundum per fundum Sempronianum qui tuus est, exceptionem, Q V O D P R A E I V D I C I V M

FVNDO NON FIAT, utilem tibi fore Africanus cap. xvi. de except. scribit: id est, in præiudicium sic transituram, ut prius de fundo cognoscatur datus iudex, quam de via; ea enim est huius exceptionis utilitas. Et hoc ideo quod via fundi sit consequens, non utique fundus viae. Ideoque si ante viam, deinde fundum petam, an utilis futura sit exceptio, QVOD PRÆIVDICIVM FVNDO NON FIAT, in quaestione nem dubiam cadit. Paulus cap. xvij. de except. non nocere huiusmodi exceptionem auctor est. Quæ verba si ad reum referantur utilis erit, sive ad actorem, inutilis erit supradicta exceptio. Sed ego ad utrumque commodè referri posse didici, sic ut nec actori, nec reo etiam noceat huiusmodi exceptio, nec impedit quominus præiudicium fundo fiat, id est, prius de fundo iudicetur quam de via; quia (inquit Paulus) diuersa corpora sunt. Quia de caussa quanvis ante fundum via petatur, tamen nihilominus primo loco de fundo iudicari poterit. Quod si enim diuersa corpora non essent, sed connexa, noceret exceptio. At hoc casu non nocet, quia (inquit Paulus) diuersa corpora sunt, & caussæ restitutio-
num dispare. Nam qui fundum petit, de proprietate disputat, qui viam, seruitutem tractat. Igitur si diuersa sunt proprietatis, & seruitutis caussæ, quid mitum caussas restitutio-
num dispare dixisse Paulum? Accursius isto ca-
su per secundam quaestione non posse fieri
præiudicium.

præiudicium primæ quaestioni contendit, quod maior res vertatur in prima, quam in secunda. Certè quemadmodum quid sit præiudicium fieri in visitatis exceptionum formulis non didicit, ita qua ratione maiori caussæ, per minorem quaestione non præiudiceretur, minus intellexit; qua de re, ut pauca dicam, postulat hic locus. Quare per minorē caussam maiori cognitioni non præiudicetur, vera ratio tradita, qua ab interpretibus animaduersa non est.

CAP. VII.

ER MINOREM, inquit Paulus, cau-
sam, maiori cognitioni præiudicium fieri non oportet: maior enim quaestio minorem caussam ad se trahit, ca. lxxij. de iudic. Ex quo loco annotant Accursiani questionē dici maiorem respectu summe, & quantitatis siue rei alciuius principalis ipso præiudicio maioris aliquo modo, de qua controversia est, ut in supe-
riore cap. Quod Neratiū auctoritate omnino non videtur carere, qui sic scripsit; Rei maioris pe-
cuniae præiudicium fieri videtur, quū ea quaestio in iudicium deducitur, quæ vel tota vel ex parte communis est quaestioni de re maiore, cap. xxii.
de except. Ego existimauī minorē & maiorem caussam seu quaestione dici, ut apud Paulum sic apud Neratiū non tam respectu quantitatis, & summe, quam iurisdictionis, aut notionis. Vel hinc potissimum quod istud Pauli responsum, ex eodem illo sententiarū libro primo de-
sumptū sit, ex quo aliud quoddam de maioribus

auditorijs eiusdem Pauli responsum legimus esse repetitum, cap. liij. de re iud. Is inquit Paulus, qui ad maius auditorium vocatus est, si literam inchoatam deseruit, contumax non videatur. Igitur si quædam minora, quædam fuerint auditoria maiora, ut Paulus testatur, an quælo caussas minores, quæ in minoribus, & maiores quæ in auditorijs maioribus tractabâtur apud eundem Paulum in uno eodemque libro, & fortassis in eodem loco, quantum ex inscriptione vtriusque capitis intelligi potest, perperam interpretabimur? An non ita maiores caussas accepisse apud Ciceronem de orat. libro primo visus est Antonius, cum se in caussis maioribus versari solitum diceret? Cumque hoc, inquit, nescio quomodo apud eos increbuisse, me in caussis maioribus, sicuti te solere versari. Similiora & maiora fuerint olim, ut probatum est, auditoria, consequens igitur est, minores & maiores caussas, minorès & maiores iudices, maiores quoque & minores magistratus fuisse. Vbi publica tractatur vtilitas, inquit Valentinianus, et si minor iudex veritatem inuestigauerit, nulla majori irrogatur iniuria, cap. v. C. de off. rect. prouinc. His adde subsellia sic a tribunalibus veteres distinxisse, ut tribunalia quidem ad prætorum aliorumque iudicium maiorum, subsellia verò ad minorum iudicium auditoria traherent, ut auctor est Asconius in Diuinat. Sic maiorem iudicem accepisse videri etiam potest Vlpianus:

OTIBUS

Siqui-

Siquidem, inquit, cum maiorem iudicem appellare deberet, ita errauit ut minorem appellat, errore ei nocebit, cap. j. §. ij. de appellat. Cyprianus etiam auctor est Epist. lib. iiij. Christianos quosdam nomen domini confessos, violentiam magistratus & populi frementis impetum viciisse, & postmodum cum apud proconsulem pœnis grauioribus excrucierantur, vi tormentorum subactos esse. Eas haud dubie pœnas grauiores appellans, quæ grauiores erant quam ut a magistratis municipalibus infligi possent. Nec aliò referendum est quod de maiore summa Quinctilianus lib. iiij. cap. viij. scribit: Non debes, inquit, apud prætorem petere fideicommissum, sed apud consules; maior enim præatoria cognitione summa est. Constat certè prætorem interdum iudicem, iudicésue dedisse, interdū ipsummet iudicasse; in leuioribus, quibus de facto leui aut iure certo contendetur, iudicem dabat, in grauibus, quibus de iure dubio vel nouo iure constituendo disputaretur, cum consilio iudicabat, & maximè quidem si in eum vel lege vel Senatus consulto iurisdictio translata esset. Hinc caussas, quæ mandarentur minores dictas, & contrà, de quibus prætor iudicabat maiores fuisse, esse iam satis probatum puto. Dicebaturque minores, quasi minores quam ut de eis prætor cognoscat; maiores, quasi maiores, quam ut mandari possint. Sic animaduersio maior Venuleio dicitur, quæ

D , maior

maior est, quam ut eam legatus proconsulis exigere possit, cap. xj. de offic. procons. Sic etiam res ea maior ab eodem Paulo appellatur, quæ maior est, quam ut per magistratus municipales iure magistratus expeditatur, cap. xxvij. Ad Municipal. Quin & Tullius cauſas, in quibus de facto leui certaretur, paruas, & in quibus de iure ciuili, magnas, & sape maximas lib. j. de Orat. vocauit. Per cauſam igitur minorem maiori cognitioni præiudicium fieri non potest, nempe quod præiudicium sit formula actioni addita, de qua is, quem dat prætor, iudex cognoscit, cap. j. famili. ercisc. Si igitur præiudicium sic principali cauſa maius sit quam ut de eo iudex datus possit cognoscere, & principalis cauſa minor quam ut de ea prætor cognoscat, per minorem cauſam maiori quæſtioni præiudiciū fieri non potest, sed maior cauſa minorem ad se trahet; sic quidem, ut suo iure de cauſa maiore prætor cognoscat, & extra ordinem de minore iudicet. Ea niſi fallor ratione, qua iudicem in quæſtione finium regundorum, qui de crimine cognoscit, etiam de finibus cognoscere posse Paulus cap. iiiij. fin. regundor. scribit. Quo modo de falso cognoscentem prouincię præsidem incidentem proprietatis cōtrouersiam dirimere consueuisse rescripsit imperator Alexander, cap. j. de offic. reet. prouinc. Et hæc nostra eſtentia, quam ſatis a doctis probatum iri confidimus. Hactenus de præiudiciorum, quæ in rem vel

rem vel quasi in rem ſunt vſi, antequam de præiudicijs personalibus dicamus, paucis quid præiudicium extra formulas exceptionum ſignificet, opera & pretium eſt declarare.

Extra formulas exceptionum quid sit præiudicium facere, præiudicare, præiudicium incurrere, & id genus alia.

ST ITAQVE sciendum extra formulas exceptionum veritati non facere præiudicium, alijs præiudicium facere, præiudicare, præiudicium incurrere, & id genus alia, diuersa paululum a superioribus interpretatione dixisse prudentes. Nam figuratè, ut utrā Festi verbo, ſic etiam au-
tores probati præiudicium acceperunt, ut illud interdum ad res quasi præiudicatas, ſola imagine, & quadam translatione retulisse videantur. Vlpianus capite penult. de his qui ſunt ſui iur. Neque enim alimentorum cauſa veritati facit præiudicium. Id eſt (ut mihi videtur) per alimentorum cauſam ſic non videtur de ve-
ritate quasi præiudicatum, ut illa impediatur, quo minus de veritate præiudicio contendatur. In hanc enim ſententiam idem Vlpianus ſic ſcripit: Solent iudices cognoscere, & inter libertos, & patronos, ſi de alendis his agatur; itaque ſi negent ſe libertos eſſe, cognosce-
re eos oportebit, quod ſi libertos eſſe con-
ſtituerit, tunc demum decernere ut alant, nec
tamen alimentorum decretum tollet liberto
faculta-

facultatem, quo minus præiudicio certare possit, cap. vij. de lib. agnosc. Ecce quod in eodem responso §. meminisse & d. cap. penult. dixerat Vlpianus eam rem veritati præiudicium non facere, idem paulo post non impedire dicit quo minus præiudicio certetur: quasi idem omnino sit non facere præiudicium, quod non impedi-
re quo minus præiudicio contendatur. Hinc idem Vlpianus cap. j. de liberis agnosc. si maritus vxore denuntiante custodes miserit, ideo dixit nullum præiudicium sibi maritum facere, quod ei liceat partum editum ex se negare; hoc est (ut ego interpretor) quod ei præiudicio contendere liceat de partu agnoscendo, quanvis cu-
stodes miserit. Namque sine præiudicio quem recte custodes mittere idem Vlpianus auctor est, siue neget uxorem, siue ex se grauidam: di-
xitque sine præiudicio quasi iudicio nullo pri-
usquam custodes mitteret de futuro partu con-
stituto. Eodem etiā sensu accipies quod Paul. lib. v. senten. tit. de liber. caussa sic scripsit. Ve-
ritati & ingenuitatis origini manumissio quo-
cunque modo facta non præiudicat. Quod idem est ac si dixisset, non impedit quo minus de veritate & ingenuitatis origine præiudicio contedatur facta quocunque modo manumis-
sio. Huc spectat & illud eiusdem. Quicunque ingenuam personam fraudis studio manumit-
tendam esse crediderit, præiudicium ingenui-
tas non incurrit. Et hoc: Descriptio ingenuo-
rum ex

rum ex officio fisci inter fiscalem familiam facta
ingenuitati non præiudicat. Hinc pro damno,
incommodo, seu detimento dicebant præiudicium veteres: quo sensu præiudicium pati
dixit cap. xxix. de manumiss. testa. Scæuola.
Et Vlpianus quoque, ne præiudicium partui-
fiat, cap. j. de ventre in pos. mitt. Et Paulus,
ne quod præiudicium fieret nato, cap. viij. eo-
dem tit. Quibus adde, quæ capite iij. & cap. v.
& xiij. sub tit. de carb. edicto de præiudicijs no-
tata sunt. Eodem etiam sensu præiudicium ac-
cepisse visus est Callistratus cap. iiiij. de restit.
in integ. Non enim patitur Callistratus pro-
pter minimam rem vel summam audiri eum qui
in integrum postulat restitui, si maiori rei vel
summæ præiudicetur. Hoc est, si propter rem
minimam facta restitutio noceat rei maiori. Qua-
si in effectu propter rem minimam restitutio-
nem admiserit Callistratus, si modo ea restitu-
tionem aliquam aut summam maiorem non redi-
dat irritam aut rescindat. Quo modo ob mini-
mam caussam rem inemtam fieri non debere
alibi etiam responsum est. cap. liij. de cont.
emt. Et errant sanè qui responsum istud Calli-
strati cum illo Pauli respoſo quod superiore ca-
pite sumus interpretati, existimat habere quid-
quam commune. Questionem enim & caussam
maiorem a re maiore diuersam esse certissimum
est. Et haec hactenus: nunc reliquum est ut de
præiudicijs quæ in personam sunt nonnulla in
medium proferamus. Praeius

Præiudicium personale in quo differat a reali.

C A P. I X.

RÆIVDICIVM aliud personale,
aliud reale esse libro superiore diximus. Personale, quod in personam:
reale, quod vel in rem, vel quasi in in rem exer-
cetur. De reali haec tenus egimus, consequens
est igitur, ut nonnulla de personali tractemus.
Et quidem hæc duo præiudiciorum genera in
eo maximè conueniunt, quòd vtrumque ad
causam aliquam pertineat, nec per se subsiste-
re possit, vnde eorum nomen ductum tradidit
Quinctilianus. Verùm in hoc alterum ab al-
tero cerni solet quòd de re præiudicium, vt ex-
ceptio semper a prætore postuletur, indéque in
actionem transmutetur, alterum verò nec sem-
per, nec eadem omnino ratione. Cicero libro
secundo de Inuent. Quum ad vim faciendam
armati quidam venissent, armati contrà præsto
fuerunt, & cuidam equiti Romano quidam
ex armatis manum præcidit; agit is cui manus
præcisa est iniuriarum, postulatis, quicum agi-
tur exceptionem, EXTRA QVAM IN RE-
VM CAPITIS PRÆIVDICIVM FIAT:
hic is qui agit, iudicium purum postulat; ille
quicum agitur, exceptionem ait addi oportere;
quæstio est excipiendum sit, an non: Ratio; non
enim oportet in recuperatorio iudicio, eius ma-
leficij, de quo inter sicarios queritur, præiudi-
cium fieri: Infirmatio rationis; eiusmodi sunt
iniuriæ

iniuriæ, vt de his indignum sit non primo quo-
que tempore iudicari: iudicatio; atrocitas iniu-
riarum satis ne causæ sit, quare quum de ea iu-
dicetur de aliquo maiore maleficio, de quo iu-
dicium comparatum sit, præiudicetur. Hæc
Cicero. Quasi in effectu dixerit, si is cui manus
præcisa est purè actionem iniuriarum a præto-
re postulauerit, & reus contendat prius capit is
iudicium tractari oportere, (more tamen in pu-
blicis iudicij olim usitato) quòd in recuperato-
rio iudicio eius maleficij de quo inter sicari-
os queritur præiudicium fieri non oportere
videatur, hoc est, quòd per recuperatorium iu-
dicium non debeat aliquis si non pronuntia-
tione, saltem existimatione vt sicarius iudicari,
quod vtique fieret si primo loco de iniurijs iu-
dicaretur; in iudicationem venit, an atrocitas
iniuriarum satis causæ sit, quare quum de ea iu-
dicetur de aliquo maiore maleficio, de quo iu-
dicium est comparatum, præiudicetur. Si enim
iniuriarū agat is, cui manus præcisa est & in lite
superior euadat, iam præiudicatu videbitur hu-
iusmodi maleficio, de quo inter sicarios queri-
tur. Quòd pertinet quod cap. iiiij. de publ. iudic.
Paul. sic scribit; Interdū euenit vt præiudicium
iudicio publico fiat, sicut in actione L. Aquilæ,
& furti, & vi bonorum raptorum, & interdicto
vnde vi, nam in his de re familiari agitur. Hæc
Paulus. Confirmantur autē & verè declarantur,
que ex Tullio & Paulo hoc cap. notata sunt, per
respon-

responsum Vlpiani quod cap. vij. de iniur. extat. Si dicatur (inquit Vlpianus) homo iniuria occisus, nunquid non debeat permettere prætor priuato iudicio legi Cornelie præiudicari? Hoc est, vt ego interprætor, per priuatum iudicium de quaſtione ad L. Corneliam pertinente, si non pronuntiatione, ſaltem re & exiſtimatione, vt in alijs iniurijs quæ publicam non habent executionem, ſic hoc in caſu iudicari. nam quum in personam præiudicia formulæ non ſint exceptionum, de quibus iudex datus, vt in ijs quæ vel in rem vel quaſi in rem ſunt, directè cognoscit, ſed nudam duntaxat veritatis quandam imaginem præ ſe ferant, an mirum nullam omnino admitti in ijs iudiciis pronuntiationem? ſi iudex, vt in ſuperiore Ciceronis exemplo, propronciat reum, cui manus præcifa eſt, verè iniuriam paſſum, tacitè & per confequens reum in L. Corneliam commiſſe nonne quilibet inde colligere potest? nonne hoc caſu priuato iudicio legi Corueliaſ ſic præiudicatur, vt per illud de publica L. Corneliaſ quaſtione iam præiudicatum videri poſſit? Quid autem ſi ita quis agere velit, quod tu venenum dediſti hominiſ occidendi cauſa? Rectius fecerit ſi huiaſmodi actionem non dederit prætor. vt. d. cap. vij. idem Vlpianus ſcribit: haec insuper addens; Atquin ſolemus dicere, ex quibus cauſis publica ſunt iudicia, ex hiſ cauſis non eſſe nos prohibendos quominus & priuato agamus; & hoc ve-

hoc verum eſt, ſed vbi non principaliter de ea re agitur, quæ habet publicam executionem. Quid ergo de L. Aquilia dicemus? nam & ea actio principaliter hoc continent, hominem autem occiſum non principaliter. Nam ibi principaliter de damno agitur, quod domino datum eſt, at in actione iniuriarum de ipſa cæde vel veneno, vt vindicetur non ut daminum ſarciantur. Quòd pertinet quod ſic in effectu cap. vi. de iniur. Paulus ſcribit; Non prohibendus eſt quiſ priuato agere iudicio quod publico iudicio præiudicatur, ſi quidem ad priuatum cauſam pertineat. Planè ſi auctum ſit publico iudicio denegandum eſt priuatum. Eoq̄ue ſpectat Titulus C. Quando ciuilis aetio criminali præiudicet. Eiūſque haec eſt ſententia, quando per ciuilem actionē videatur criminali præiudicatum. Quibus quidē ex locis omnibus facile quilibet intelligere poſteſt, quāta ſit inter haec in personam præiudicia, & inter ea, quæ in rem ſunt, vel in rem videntur eſſe, apud veteres discriminis ratio. Niſi rūm, quòd quæ in rem ſunt, ni prius ijs ad quas pertinent cauſis expediantur, proſuſ impediāt quominus iudicijs principalibus fines imponi poſſint; haec verò quæ in personā ſunt, idcirco a reis ſolent proponi vt per eas impediatur ne præiudicium iudicio publico fieret, id eſt, ne quando per priuatum iudicium de cauſa quæ publicā principaliter requirit executionē, aliquo modo præiudicatum videri poſſit.

E In Oppia

In Oppianicum quomodo præindictum fiat
CAP. XI.

VNT porrò & alia præiudicia in pers-
sonam quæ circa caußam inter plures
communem publico iudicio diri-
mendam versantur, quorum frequens olim in
iudiciis publicis erat usus. Quum enim duo,
plurēs uero conueniebantur iudicio, iudicij
illius interdum separatio fiebat, vna tamen in-
teriorum manente cauſa, quam ipsam cauſam Fa-
bius vocat. Quod conuenit cum illa, quam
Pedianus dedit, præiudicij definitione, de qua
nos postea. Usus autem istius præiudicandi ra-
tionis huiusmodi exemplo quam commodissi-
mè declarari potest. Quum Oppianicus vene-
no necandum Habitum Fabricio commisisset
familiari suo, Fabricius Scamandro liberto suo,
Scamander Diogeni Cleophanti illius medica-
seruo, cui eo tempore ægrotus imperabat Ha-
bitus, scelus suo domino indicat Diogenes,
Cleophantus Habito imperatori suo, Habitus
Marco Bebrio senatori, cuius consilio Dioge-
nes a Cleophanto emitur. Hoc casu beneficij
crimen est inter Oppianicum, Fabricium, &
Scamandrum commune. Sed in iudicium quo-
modo deductum audies. Noluit criminis hu-
ius statim insimulare Oppianicum Clientius,
sed putauit iudicijs præmissis de Scamandro,
deque Fabricio illum conuinci posse facilius,

quam

quam si his omissis, Oppianici nomen de-
ferret. Itaque Scamandrum quem præsente se
Marcus Bebrini senator cum veneno pecunia-
que deprehensum dicebat, (ut scribit pro Clu-
entio Tullius) reum statim fecit, conuincitur
Scamander. Qui quum nullas cum Habito ini-
micitas gereret, nec instinctu alio, quam solo
patroni sui iussu id se fecisse profiteretur, suspi-
ciones in Fabricium exortæ sunt. De quo sic
eodem loco Cicero: Hoc igitur iudicio facto
& Oppianico re & existimatione iam, lege &
pronuntiatione nondum condemnato, tamen
Habitus Oppianicum reum statim non fecit,
voluit cognoscere utrum iudices in eos solos
essent seueri, quos venenum habuisse compe-
tissent, an etiam consilia conscientiasque huius-
modi facinorum supplicio dignas iudicarent.
Itaque Caium Fabricium, quem propter fami-
liaritatem Oppianici concium illi facinori fu-
isse arbitrabatur, reum statim fecit, vtque ei lo-
cus primus constitueretur propter cauſæ con-
iunctionem impetravit &c. Citatur reus Fabri-
cius, agitur cauſa, paucis verbis accusat vt de
re iudicata Cannutius: Conuincitur Fabricius.
Et propter familiaritatem quæ Fabricio cum
Oppianico intercesserat, accusatur Oppianicus
iam duobus præiudicij conuictus. Vnde sic
eodem loco Cicero, Quid est quod de Oppi-
anici cauſa plura dicamus? apud eosdem iudi-
ces reus est factus cum is duobus præiudicis

E 2 damna-

damnatus esset, ab ijsdem autem iudicibus, qui Fabriciorum damnatione de Oppianico iudicarant, locus ei primus est constitutus, &c.

Nimirum quod is sceleris tanquam architectus esset. Iudicium ergo quo Scamander damnatus est, præiudicium dicitur iudicij de Fabricio respectu, quasi quod prius factum sit; respectu autem Oppianici caussæ, non tam de Scamandro quam de Fabricio iudicia dicuntur præiudicia. Una interim eademque caussa est qua Fabricius, Scamander, & Oppianicus damnantur, quorum qui primus damnatur præiudicium frequentibus facit, ut hic. Quū enim Scamander quod Habitū per seruum medici veneno necare voluisset damnatus esset, quia nihil Habitū morte consequi posse videtur, huiusmodi auctore Fabricio patrono suo facinus commississe conuictus est, & ita in Fabricium per Scamandrum siebat præiudicium. Et quum familiariter valde vteretur Oppianico Fabricius, cuius libertus in maleficio reprehensus erat, illum expertem eius consilij fuisse non probabatur. Itaq; cōuictus Fabricius, & ab Oppianico, quod suscepimus erat facinus, extortum confessus, superiori alterum in Oppianicum præiudicium addidit. Hisce igitur duobus præiudicijs conuictus Oppianicus, quorum altero Fabricij libertus, quia minister in maleficio fuerat, altero ipse patronus, quia conscientius, condemnatus erat, sceleris princeps

& ar-

& architectus Oppianicus reus citatus est: & hoc modo fiebat olim in Oppianicum præiudicium.

De præiudicio in C. Verrem. CAP. XI.

IC PORRO & in C. Verrem factum si fuisset præiudicium, si postulati Gaio Gallio iudicium, QVOD PER VIM AC METVM ABSTVLISSET APRONIVS Lucius Metellus in Aproniū decreuisset. Quum etenim in Sicilia prætor C. Verres multa per se, per suos familiares, per seruos, & per Apronium præcipue, vi ac metu ab aratoribus abstulisset, accessit in prouinciam senatu iubente L. Metellus: ilico quum prouinciam intrasset, eductus est ad eum Apronius, eduxit autem Gaius Gallius senator, qui a L. Metello vt ex edicto suo iudicium daret in Apronium, QVOD PER VIM AC METVM ABSTVLISSET, postulans non impetravit, quum hoc diceret Metellus præiudicium se nolle fieri per hoc iudicium de C. Verris capite. Quidquid enim per Apronium commissum fuerat, id instinctu & C. Verris iussu, cui seruiebat Apronius factum erat. Ideoque si iudicium postulanti Gallio decreuisset Metellus, eadem omnino ratione qua in Oppianicum, præiudicium in C. Verrem factum fuisset. Verba Ciceronis extant hac de re act. v. in C. Verrem, ibi; Aduentu L. Metelli prætoris quum omnes eius comites &c.

Quomodo

Quomodo a iudicali differat praeiudicialis condensatio.

CAP. XII.

IFFERT autem (vt & hoc obiter addamus) praeiudicialis a iudicali in hoc condemnatio quantum ad portum hanc praeiudicij speciem, quod quis praeiudicio condemnetur re & existimatione, iudicio vero aut lege & pronuntiatione simul, aut pronuntiatione sola. Quo sensu Asconio Pediano act. j. in C. Verrem res dicitur praeiudicium quae quum statuta fuerit adfert iudicaturis exemplum quod sequantur. Ut in Oppianici causa, res quae in causa Fabricij & Scamandri causa statuta fuerat, adferrebat exemplum, quod iudicaturi de Oppianici causa in iudicando sequerentur. Ideoque ut minore cum difficultate Oppianicus conuinceretur praeiudicandum erat causae Fabricij, & Scamandri causa, hoc est, prius de singuli cuiusq; causa iudicandum quam nomen Oppianici deferretur. Et hoc modo accipiendum est illud Senecæ lib. iiiij. de Beneficijs cap. xxxv. Promisi aduocationem, postea apparuit per illam causam praeiudicium in meum patrem queri. Nimisrum ut supra in Oppianicum & in C. Verrem. Atque ita in personam olim fiebat praeiudicium.

FINIS.

ERRATA SIC CORRIGITO

Pag. Vers.

26.	23.	sit
33.	3.	hunc in modum
42.	24.	dicit
50.	20.	in
53.	16.	spatio
57.	18.	in causis levioribus
58.	10.	arbiter.

BRUGIS FLANDRORVM,
Ex OFFICINA HVBERTI GOLTZII,
III. IDVS APRILIS
M. D. LXV.

